

**Lebih Dagangan Malaysia Dijangka Susut Pada Feb
Bernama
8 Mac, 2012**

KUALA LUMPUR, 8 Mac (Bernama) -- Imbangan perdagangan Malaysia dijangka merosot pada bulan Februari 2012 dengan eksport menunjukkan kelembapan, kata JF Apex Securities Sdn Bhd.

Dalam laporan ekonominya, JF Apex berkata ekoran permintaan global yang kurang menggalakkan,, eksport dijangka merosot sebanyak 1.5 hingga 3.5 peratus tahun-atas-tahun dan import meningkat 5-6 peratus tahun-atas-tahun, yang menyaksikan lebih dagangan RM8.45 bilion.

"Kelembapan permintaan global telah menjejaskan pertumbuhan eksport. Ini adalah ekoran jumlah eksport yang kian merosot ke China dan Kesatuan Eropah, masing-masing 12.2 peratus tahun atas tahun dan 14.5 peratus tahun atas tahun," katanya.

JF Apex berkata eksport Malaysia untuk Januari 2012 naik kepada RM55.07 bilion, meningkat sedikit sebanyak 0.4 peratus tahun atas tahun tetapi susut 9.33 peratus bulan atas bulan.

Sementara itu, ia berkata import menambah kepada RM46.32 bilion, naik 3.28 peratus tahun atas tahun tetapi lebih rendah 11.65 peratus bulan atas bulan.

---BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=650968>